

Ustavno povjerenstvo/Ustavna komisija

Уставна комисија

Broj: 01/1-02-896/23-1  
Sarajevo, 28.02.2023.godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO 65x B

Primijeno: 28-02-2023			
Org. jed.	Broj	Priloga	Vrijednost

**PREDSTAVNIČKOM DOMU  
PARLAMENTA FEDERACIJE BiH**

Ustavna komisija Predstavničkog doma Parlamenta Federacije je 28.02.2023.godine održala 2. sjednicu na kojoj je razmatran sljedeći dnevni red:

- 1. Razmatranje Obavijesti dvoje izabranih kandidata za predsjednika/potpredsjednika FBIH, Zapisnika sa sastanka održanog 24.02.2023.godine u vezi postupka izbora predsjednika i dva potpredsjednika Federacije Bosne i Hercegovine, te Zapisnika g-dina Refika Lende, izabranog kandidata za predsjednika/potpredsjednika FBIH u skladu sa Amandmanima na Ustav Federacije Bosne i Hercegovine**

U skladu sa čl. 44. i 57. Poslovnika Predstavničkog doma Parlamenta Federacije BiH, Ustavna komisija Domu podnosi sljedeći:

## IZVJEŠTAJ

### Ad 1.

Ustavnoj komisiji dostavljena je Obavijest dvoje izabranih kandidata za predsjednika /potpredsjednika Federacije Bosne i Hercegovine G-đe Lidije Bradare i G-dina Igora Stojanovića, kojom obavještavaju rukovodstvo Predstavničkog doma da na sastanku održanom 24.02.2023.godine u 10,00 sati u vezi dogovora o izboru predsjednika i potpredsjednika FBIH na kojem su prisustvovala sva tri izabrana kandidata za predsjednika/potpredsjednika Federacije Bosne i Hercegovine nije postignut dogovor. S tim u vezi, gore navedeni kandidati traže od Predstavničkog doma da postupi u skladu sa Amandmanom CXX na Ustav FBIH i članom 9.19 Izbornog zakona BiH.

Članovi Ustavne komisije su također upoznati i sa Zapisnikom sa sastanka Rukovodstva Predstavničkog doma Parlamenta FBIH sa dvoje izabranih kandidata za predsjednika/potpredsjednika FBIH, koji je održan u 11,00 sati. G-đa Bradara i G-din Stojanović su i usmenim putem informirali Rukovodstvo Predstavničkog



doma da na sastanku zakazanom i održanom u 10,00 sati u zgradi Parlamenta Federacije Bosne i Hercegovine nije postignut dogovor između troje kandidata koji od njih će obavljati funkciju predsjednika Federacije BiH. S obzirom da nisu ispoštovane odredbe stava 13. Amandmana CXX na Ustav FBiH, gore navedeni kandidati traže od rukovodstva Predstavničkog doma da što prije zakažu sjednicu Predstavničkog doma, kako bi se nastavila procedura izbora predsjednika/potpredsjednika FBiH propisana Ustavom FBiH i Izbornim zakonom BiH.

Članovi Ustavne komisije su upoznati i sa Zapisnikom G-dina Lende, izabranim kandidatom za predsjednika/potpredsjednika FBiH, upućenom Predstavničkom domu dana 24.02.2023. godine, kojim informira Predstavnički dom da nije postignut dogovor između tri kandidata za predsjednika /potpredsjednika FBiH, na sastanku zakazanom i održanom 24.02.2023. godine u 10,00 sati.

Nakon rasprave o ovoj tački dnevnog reda, članovi Ustavne komisije su većinom glasova donijeli sljedeći

### **ZAKLJUČAK**

1. Ustavna komisija konstatira da nije postignut dogovor između tri izabrana kandidata za predsjednika/potpredsjednika FBiH na sastanku zakazanom i održanom dana 24.02.2023. godine te smatra da su ispunjeni svi uvjeti propisani stavom 13. Amandmana CXX na Ustav FBiH da o izboru predsjednika i dva potpredsjednika FBiH odlučuje Predstavnički dom Parlamenta Federacije BiH.
2. Ustavna komisija predlaže Komisiji za izbor i imenovanje da sačini Prijedlog odluke o izboru predsjednika i dva potpredsjednika Federacije BiH i istu uputi Predstavničkom domu radi donošenja.
3. Ustavna komisija predlaže Predstavničkom domu Parlamenta Federacije BiH da se glasanje za predsjednika i dva potpredsjednika Federacije BiH obavi javnim izjašnjavanjem i donese odluku većinom glasova od ukupnog broja poslanika u Predstavničkom domu, u skladu sa Poslovnikom Predstavničkog doma.

Izveštaj dostaviti:

- Komisiji za izbor i imenovanje  
i Zakonodavno-pravnoj k.

U skladu sa članom 53. Poslovnika, za izvjestioca je određen dr.Mladen Bošković, predsjednik Ustavne komisije.

**PREDSJEDNIK KOMISIJE**

  
**Dr.Mladen Bošković**